

**Date – 21/01/2025**

**Time - 18:30 -18:40Hrs**

**REGIONAL NEWS BULLETIN**

**HEADLINES (EVENING)**

1. Working Committee on Lengpui Airport chuan Indian Airforce kuta Lengpui Airport hlan turin MoA an buatsaih mek.
2. Mizoram Police DGP Anil Shukla chuan hmarchhak state dang ngaihtuahin Mizoram a ralmuan chhan chu Police te thawh that vang a ni a ti.
3. Chhatisgarh leh Odisha inrina laiah nizan khan security force ten Maoist hel 14 an kaphlum
4. West Bengal sawrkar chuan RG Kar pawngsual leh inthahnaa thiamloh chantir Sanjay Roy chu thi tura a chungthu rel anih theih nan Calcutta High Court a pan.

<><><>

**LENGPUI AIRPORT**

Working Committee on Lengpui Airport chuan Indian Airforce (IAF) kuta Lengpui Airport hlan chungchang an bawhzui mek zel a, tun dinhunah draft Memorandum of Agreement (MoA) an buatsaih mek nia thudawn a ni.

Sawrkar hotulu hnen atanga thudawn danin Working Committee on Lengpui Airport hian Cabinet thuchhuak angin IAF hnena Lengpui Airport hlan chungchanga bawhzui ngai awmte an enfel mek a, IAF kutah hian a vaiin hlan vek tur a nilo a, thlawhna tlan kawng (runway) leh Air Traffic Controller te chu hlan tur zinga mi niin adang erawh Mizoram sawrkar kutah ala awm chhunzawm dawn nia thudawn a, Airport enkawl chu a hautak lutuk avangin a chhawk zangkhai theih nan Runway leh Air Traffic Controller chu IAF kutah hlan mai ni se an ti a ni.

Hetihlai hian Mizorama tlawmngai pawl intelkhawm NGO Coordination Committee chuan nikum khan thuchhuah siamin Lengpui Airport chu IAF kuta hlan chhawn rem an tihloh thu an sawi a, Chief Minister hnenah pawh an duhloh thu an thlen tawh a, YMA thukhawmin hemi chungchang an ngaihtuah tur thu an sawi bawk. Tlawmngai pawl bakah hian Eptu party MNF leh Congress te pawhin Lengpui airport chu IAF kuta hlan chhawn rem antih loh thu an sawi bawk a ni.

*Mizorama Airport awm chhun Lengpui airport hi Aizawl khawpui atanga kilometre 30 vela hlaa awm a ni a, tun dinhmunah Airline pahnih Indigo leh Alliance Air thlawk mekin kum khatah mi nuai 4 chuang velin an hmang tangkai anga chhut thin a ni a, sum tam tham tak la lut thin mahse a enkawl na a hautak avangin State sawrkar chuan midang kuta hlan relin hmalakna kalpui*

*mek a ni a, amaherawhchu eptu party te leh tlawmngai pawl intelkhawm ten an duhloh thu sawiin sawrkar an nawr ve mek a ni.*

<><><>

## **TRUCK OWNER**

Mizoram Truck Owners Association (MTOA) leh Mizoram Truck Drivers Association (MTDA) chuan Vairengte leh Sairang inkar National Highway a chhiat em avang leh nunna atan pawha hlauhawm khawp ani tia sawiin naktip atangin tlan loh an rel.

MTOA leh MTDA hotute sawi danin Vairengte leh Sairang inkar kawng chu nikum fur laia a chhiat zual lai atangin siam tha turin sawrkar an nawr tawh a, nasa taka an nawr hnuah khaw that huna siam an intiam avangin an tlan chhunzawm a, rei tak khua tha tawh mahse kawng chu siamthat anih theihloh avangin tlan loh mai ni se an ti a, chhun khaw engah pawh kawngpui chu tlan a harsa ta hle a, siam that hma chu tlan chhunzawm loh ni se an ti a ni.

Hetihlai hian All Mizoram Petroleum Dealers Association (AMPEDA) hruaitute chuan truck intelkhawm tlan tumlo mahse an tlan dawn tho an ti a ni.

Supply Department atanga thudawn danin, Mizoramah January thla daih buhfai khawl sa an nei a, fupui huna dah that atan stock kalpui leh mek anih avangin a phurtu truck an din rei chuan an tuar phah thei a ni.

Kawngchhia chungchang sawifiahna wawiin khan sorkar chuan a tichhuak a, PWD chuan Vairengte leh Sairang inkar kawng hi ngaih pawimawh berah neiin a siam hna Jan ni 20 atang khan a thawk a, kawng khuar hnawh leh tuihawk luankawr thlenga siam hna thawkin labour 20 an ruai a ni an ti.

Vairengte leh Sairang kawng (NH54) hi sorkar laipui chuan NHIDCL enkawl turin ti mahse; PWD-in Bilkhawthlir leh Kolasib leh Kawnpui leh Khamrangte a la chang a, hengte hi thawh zawh tawh a ni a, NHIDCL hnena hlan turin an la remchan loh avangin hlan a ni lova, NHIDCL kutah hian hlan fel tum a ni an ti.

<><><>

## **POLICE RAISING DAY**

Mizoram Police DGP Anil Shukla chuan hmarchhak state dang ngaihtuahin Mizoram a ralmuan chhan chu Police te thawh that vang a ni a ti.

He thu hi wawiina Mizoram Police din champha vawi 53 na G.S Arya Mess, Police Headquarters Aizawl-a neih a hmanpui na ah sawiin Deputy General of Police Anil Shukla chuan Police te chu ruihtheih thil leh HIV/AIDS do kawngah theihtawp an chhuah zel tur thu a sawi a, zuk leh hmuam avanga Police tam tak nunna in a tawrh phah chu pawl a tih thu sawiin zuk leh hmuam lama insum turin a chah bawk.

Wawiina hun hmanah hian Mizoram Police hnuaia mi pawimawh tak tak te bakah retired officer-te an tel a, Mizoram Police din champha pual hian GOS 8, Subordinate Officer mi 23, leh nihna dang pawimawh chelhtu mi 20 an vaiin mi 51 te hnenah chawimawina hlan an ni. Heng

bakah hian kum 2024 chhunga Mizoram Police station tha ber atan a thlan Vaivakawn Police Station-te hnenah lawmpuina thuziak leh pawisa fai te hlan an ni a, hnu chhuina lama thawh hlawk tak SI Lalnuntluanga hnenah Union Home Minister Medal hlan a ni bawk.

<><><>

## **BYPASS ROAD**

Lawngtlai khawpui helna tur kawngpui chu peihfel a ni tep tawh a, tangkai takin hman a ni tawh.

National Highway 54 paltlang Lawngtlai khawpui hi bungraw phur motor leh truck lian an tlan nasat avangin hei hian mihring himna a tih derthawn bakah khawpui a tihchep avangin Lawngtlai khawpui hêla lirthei tlanna tur bypass road ruahman a ni a. He kawngpui siam hna hi NHIDCL-in a thawk mek a, Project Manager MD Ziaur Rahman hnen atanga thu dawn danin he project hi November 20, 2020 a tan niin kumin March thla-a zo thei tura ruahman a ni a ti.

Lawngtlai khawpui helna tur kawngpui hi AOC veng, Lawngtlaia Mizofed Filling Station atanga intanin 71 RCC Camp bulah a chhuak a, National Highway 54 a pawhin Kilometres 5.8 a thui a ni.

Lawngtlai khawpui helna tur hi a nihdan turin peihfel la ni chiahlo mahse, tun dinhmun ah tangkai takin hman a ni tawh a ni.

## **(Lalnggheta Ralte PTC Lawngtlai)**

<><><>

## **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar hi puan leh a ni ang.

<><><>

## **AAP**

Aam Aadmi Party Mizoram chuan Village Council leh Local Council inthlan lo awm turah candidate an nei dawn lo tih an sawi.

Wawiina Aizawl Press Club-a thuthar thehdarhtute an kawmnaah AAP Mizoram President Andrew Lalremkima chuan February ni 12 a VC leh LC inthlan sawn hma a nih chhan mumal sawi tur awm lo chu mak an tih thu a sawi a, sorkar hian inthlan an sawn hma chhan mumal tak mipuite hrih hria se a duh thu sawiin chhan mumal sawi tur an hre lo a nih chuan mipui zah lohna lian taka an ngaih dawn thu a sawi.

AAP Mizoram President chuan inthlan sawn hma chu zirlaite'n an tuar thei dawn tih sawiin, Mizoram puma zirlaite exam-pui, Promotion exam neih thla a ni a, MBSE hnuiaia HSLC leh HSSLC Board Exam inbuatsaih tul vangin leh exam tan hun lai a nih dawn avangin zirna in leh zirlaite chungah a chhe zawngin nghawng a nei thei dawn nia an ngaih thu a sawi bawk a ni.

<><><>

## **WEST BENGAL**

West Bengal sawrkar chuan RG Kar pawngsual leh inthahnaa thiamloh chantir Sanjay Roy chu thi tura a chungthu rel anih theih nan Calcutta High Court a pan. Nimin khan Kolkata Sealda Court chuan RG Kar pawngsual leh inthahnaa mawhphurtua puh Sanjoy Roy chu damchhung lung in tang turin a hrem a. Sessions Judge Anirban Das chuan vanduaina tuartu chhungte hnenah cheng nuai 17 pe turin sawrkar a hriattir

bawk a. Kar hmasa khan Sanjoy Roy hi Court chuan thiamloh a chantir tawh a. Nikum August ni 9 khan RG Kar Medical College-a PGT doctor pakhat chu pawngsuala thah a ni a. A tuk August ni 10 ah Sanjoy Roy hi Kolkatta Police ten an man a ni. Hemi hnu hian CBI kuta hlan a zui a ni.

Vawiin khan State Advocate General Kishor Datta chuan Justice Debangshu Basak leh Justice Shabbar Rashidi-te thutna division bench-ah he thubuai hi a thehlut a ni.

<><><>

## MAOIST

Chhatisgarh leh Odisha inrina laiah nizan khan security force ten Maoist hel 14 an kaphlum. Hel kahhlum zingah hian Central Committee member sawrkarin a lu mana cheng vaibelchhe 1 a dah mek pawh a tel a. Chhatisgarh-a Gariabandh district leh Odisha-a Nuapada district inrina laiah Police leh CRPF tangrualte chuan Maoist dapchhuah beihpui an thawk a ni.

Union Home Minister Amit Shah chuan Security Force te fakin Maoist hel 14 kahhlum an ni chu lawmawm atih thu a sawi a. Naxal-free Bharat siam tura hmalaknaah Security Force te an thawk tha hle a ni a ti bawk.

<><><>

## TURKEY

Turkey-a ski resort-a hotel kangah mi 10 aia tlem lo an thi a, mi 32 in hliam an tuar. Thudawn danin he hotel hi Turkey hmarthlang lama awm niin tukin khan kangmei hi a chhuak a. Hotela thleng mi 230 chu chhanchhuah an ni a. Turkish Interior Minister Ali Yerlikaya chuan in chhawng 12 naa restaurant atangin kangmei hi a intan a ni a ti.

<><><>